

► *Calvin Maduro:*

“Mi kier proba cu mi merece di un oportunidad proximo temporada”

BOSTON-E lanzador Arubano, Calvin Maduro despues di su bon actuacion di Dialuna caminda el a tira 6 inning, permiti 4 hit y 1 careda cu cada start di dje e ta desea di proba cu e merece un oportunidad proximo campaña.

“Mi kier yuda e team keto bai e temporada aki, pero mi deseo ta pa proba cu mi merece

un chens di gana un oportunidad den e rotacion proximo temporada”, asina Calvin Maduro a declara.

Manager di Orioles cu ta Mike Hargrove a bisa cu Maduro a tira tremendamente bon despues di promer inning.

El a tene e bala abao, paden y pafor y a controlá su fastball tremendo.